

Monateng:

Seniorkamp - 17-21 Februarie

Streekkamp - 21-23 Februarie

Ja, dit is nou al 'n gegewe:- As ons by Monateng kamp, dan reën dit!!! Maar soos ek al voorheen gesê het, dit demp beslis nie Rietvallei se kuierlus nie. Dit was 'n HEERLIKE rustige naweek. Die Seniors was natuurlik al moeg gekamp toe ons werkendes Vrydag by die oord gearriveer het. EK verneem dat van hulle al Maandag by Monateng opgedaag het. Ai, alte lekker!!!! Donderdag, wat 'n opwindende dag, word besoek gebring aan die Jurgens fabriek. Maar meer hieroor kan in die Rietstok gelees word.

Vrydagaand is heerlike kerrie- en gewone maalvleis vetkoekoek aan die kampers voorgesit en dit was soos blits uitverkoop. Die boekevat was in die wiele gery deur die reën en het groepies bymekaar gekom by hul woonwaens en hulle eie boekevat gehou. Dit was nou 'n mooi gebaar. Selfs die registrasieproses moes uitgestel word na die volgendeoggend. Saterdagoggend is die tafels gerangskik met die "wit olifante" daarop. Daar was heelwat winskopies en 'n paar kampers het hoogs tevrede met hul inkopies daar weggegaan. En die Kas is weer met 'n mooi bedragjie aangevul.

Tinus Fourie het die inisiatief geneem en gereël vir 'n persoon om 'n praatjie te lewer oor hul Bioway Multi produk ... 'n veilige miergif wat in en om die huis gebruik kan word. Dit was deur bykans alle lede bygewoon en het groot byval gevind as ons sien hoe het almal gekoop!

Daar is heerlik ontspan en gekuier die middag en Jak en Jacqui Wagenaar het met 'n spogmotorfiets opgedaag om saam te kuier en braai tydens die gebruikelike buurmanbraai.

Dan was daar natuurlik weer een of twee persone wat hul name "STOMP" gemaak het, maar ons sal maar nie name noem nie ☺



Sondagoggend het Ds Marnette en Willem spesiaal van Pretoria af deurgery Monateng toe om vir ons 'n baie mooi Boodskap te bring. Daarna is 'n paar tafels vol lekkernye en koek gelaai en kon ons die naweek op 'n vreugdevolle gekuier afsluit. Dit is voorwaar 'n eer en 'n vreugde om 'n Rjetvalleier te wees. Anet Lübbert



Die DisCO-groepie

Salige manier om
te kamp – met 'n
bordjie eetgoed
in die hand!
Klaus by sy twee
kleinseuns.

Ina Erasmus is deur Tjaart 'uitgedaag' om een van hul kampvuurstories te vertel!

Pieter Viljoen verwelkom die gaste wat die haweek saam kom kamp het.

Sieg en Annatjie Maritz, Klaus en Anet Lübbert ontvang hul kampkommandante-plaatjie van Erna.